

President of India attends bilateral meetings during his visit to Bangladesh

December 15, 2021

বাংলাদেশ সফরকালে ভারতের রাষ্ট্রপতি দ্বিপাক্ষিক বৈঠকে অংশগ্রহণ করেছেন।

ডিসেম্বর 15, 2021

বাংলাদেশে ভারতের রাষ্ট্রপতি; দ্বিপাক্ষিক বৈঠকে অংশগ্রহণ করেছেন।

ভারতের 'প্রতিবেশী প্রথম' নীতিতে বাংলাদেশের বিশেষ স্থান রয়েছে: রাষ্ট্রপতি কোবিন্দ।

ভারতের রাষ্ট্রপতি শ্রী রামনাথ কোবিন্দ আজ সকালে (ডিসেম্বর 15, 2021) ঢাকায় হজরত শাহজালাল আন্তর্জাতিক বিমান বন্দরে অবতরণ করেছেন সেখানে তাকে অভ্যর্থনা জানাতে বাঙ্গলাদেশের রাষ্ট্রপতি জনাব মহম্মদ আবদুল হামিদ নিজে উপস্থিত ছিলেন। রাষ্ট্রপতি কোবিন্দ 15 থেকে 17ই ডিসেম্বর 2021 -এ তিনদিনের রাষ্ট্রীয় সফরে বাংলাদেশ গিয়েছেন। কোভিড অতিমারী প্রাদুর্ভাবের পরে এটাই তার প্রথম রাষ্ট্রীয় সফর।

বিমান বন্দরে রাষ্ট্রপতিকে আনুষ্ঠানিকভাবে স্বাগত জানানো হয় এবং গার্ড অব অনার দেওয়া হয়। এরপরে তিনি সাভারে জাতীয় শহীদ স্মৃতিসৌধ পরিদর্শন করেন এবং বাংলাদেশের মুক্তিযুদ্ধে শহীদদের প্রতি তার শ্রদ্ধার্ঘ্য প্রদান করেন। এরপর তিনি 32 নম্বর ধানমন্ডিতে বঙ্গবন্ধু স্মৃতি জাদুঘর পরিদর্শন করেন যেখানে তিনি বাংলাদেশের জাতির জনক বঙ্গবন্ধু শেখ মুজিবুর রহমানের প্রতি শ্রদ্ধা নিবেদন করেন।

বিকালে রাষ্ট্রপতি বাংলাদেশের রাজনৈতিক নেতৃস্ব-রাষ্ট্রপতি মোহাম্মদ আবদুল হামিদ, প্রধানমন্ত্রী শেখ হাসিনা এবং পররাষ্ট্রমন্ত্রী ড. এ কে আবদুল মোমেনের সঙ্গে সাক্ষাৎ করেন।

এই বৈঠকগুলিতে রাষ্ট্রপতি মুজিববর্ষ, বাংলাদেশের স্বাধীনতার 50 তম বার্ষিকী এবং ভারত-বাংলাদেশ দ্বিপাক্ষিক সম্পর্কের 50 বছর পূর্তি উপলক্ষে বাংলাদেশের সরকার ও জনগণকে অভিনন্দন জানান। তিনি বলেন, বাংলাদেশের মুক্তিযুদ্ধ সাম্প্রতিক ইতিহাসে একটি অনুপ্রেরণামূলক পর্ব এবং ভারত এর অংশ হতে পেরে সম্মানিত হয়েছে। তিনি বলেন, 50 বছর আগে, ভারত ও বাংলাদেশের মধ্যে একটি বিশেষ বন্ধুত্বের সূচনা হয়েছিল যা ভাষা, আত্মীয়তা, ধর্ম এবং সাংস্কৃতিক নীতির পাশাপাশি পারস্পরিক শ্রদ্ধার অভিন্নতার ভিত্তি ছিল।

রাষ্ট্রপতি পুনর্ব্যক্ত করেন যে ভারতের 'প্রতিবেশী প্রথম' নীতিতে বাংলাদেশের একটি বিশেষ স্থান রয়েছে। তিনি বলেন, বাংলাদেশের সঙ্গে ভারতের উন্নয়ন অংশীদারিত্ব সবচেয়ে ব্যাপক ও বিস্তৃত। একই সময়ে, আমাদের সম্পর্ক সবচেয়ে জটিল সমস্যাগুলি সামলানোর জন্য যথেষ্ট পোক্ত।

বাণিজ্য এবং যোগাযোগ নিয়ে বলতে গিয়ে রাষ্ট্রপতি বলেন যে বাংলাদেশ এবং ভারতের মধ্যে সম্পর্কের ক্ষেত্রে যোগাযোগ একটি গুরুত্বপূর্ণ স্তম্ভ তৈরি করেছে। দুই দেশের ভৌগোলিক নৈকট্য থেকে অনেক কিছু পাওয়ার আছে। বাংলাদেশ ভারতের অন্যতম বৃহৎ বাণিজ্য অংশীদার বলে তিনি আনন্দিত। তিনি বলেছেন যে ভারত দুই দেশের মধ্যে আরও সংগঠিত এবং নিরবচ্ছিন্ন বাণিজ্যের জন্য উন্মুখ হয়ে আছে। মহাকাশ, পারমাণবিক প্রযুক্তি, প্রতিরক্ষা, ফার্মাসিউটিক্যালস এবং অন্যান্য উন্নত বিজ্ঞান ও প্রযুক্তি ক্ষেত্রের মতো ক্ষেত্রে অংশীদারিত্বের অনেক সুযোগ রয়েছে বলে তিনি উল্লেখ করেছেন। তিনি বলেন, একটি নিয়মনিষ্ঠ 'ব্যাপক অর্থনৈতিক অংশীদারিত্ব চুক্তি' দ্বিমুখী বাণিজ্যকে উল্লেখযোগ্যভাবে উৎসাহিত করবে।

কোভিড অতিমারী চলাকালীন ভারত ও বাংলাদেশের মধ্যে সহযোগিতার দিকে ইঙ্গিত করে রাষ্ট্রপতি অতিমারী চলাকালীন বাংলাদেশের কাছ থেকে প্রাপ্ত সহায়তার প্রশংসা করেন। তিনি এটা জেনে খুশি হয়েছিলেন যে বাংলাদেশ ভারত থেকে ভ্যাকসিন গ্রহণকারী প্রথম দেশগুলির মধ্যে একটি এবং ভারতে তৈরি ভ্যাকসিনের বৃহত্তম প্রাপক।

বহুপাক্ষিক ফোরামে সহযোগিতার কথা বলতে গিয়ে রাষ্ট্রপতি বলেন যে ভারত ও বাংলাদেশের বিস্তৃত বিষয় এবং অভিন্ন উদ্বেগের বিষয়গুলি রয়েছে, বিশেষ করে দক্ষিণ এশিয়া সংক্রান্ত যার জন্য ঘনিষ্ঠ সহযোগিতা প্রয়োজন।

পরে সন্ধ্যায় রাষ্ট্রপতি বঙ্গভবনে বাংলাদেশের রাষ্ট্রপতি কর্তৃক তার সম্মানে আয়োজিত ভোজসভায় যোগ দেন।

আগামীকাল, রাষ্ট্রপতি বিজয় দিবসের কুচকাওয়াজ প্রত্যক্ষ করবেন এবং "মুজিববর্ষ" উদযাপনের সমাপ্তি উপলক্ষে বাংলাদেশের রাষ্ট্রপতি কর্তৃক আয়োজিত বিজয় দিবসের সংবর্ধনায় যোগ দেবেন।

ঢাকা

ডিসেম্বর 15, 2021

DISCLAIMER: This is an approximate translation. The original is available in English on MEA's website and may be referred to as the official press release.